

《淨土生無生論導讀》補充講表

◎附表十四：糅合《淨土生無生論親聞記》、《淨土生無生論講義》、《淨土生無生論會集》

○如帝釋宮中因陀羅網，雖彼此各是一珠，而影入眾珠；雖影入眾珠，而東西照用有別。

◆真如法界湛湛寂寂，不可思議，豈能比喻？為眾生故，且以帝釋宮中之因陀羅網為喻耳。

「各是一珠」：喻十六諸境，事理二觀。「影入眾珠」：喻真如法界，境觀相吞。

◆「雖彼此各是一珠，而影入眾珠」：喻所具三千之法，在一性中，而派（差異）之常合。

◆「雖影入眾珠，而東西照用有別」：喻能具百界之理，在一念中，而會之彌分（更加分散）。

○境觀亦然。以境為事，則觀為理，理能包事，：彼此互各相吞，故如因陀羅網。

◆初以境為事，觀為理。次以觀為事，境為理。此約性具事造二說釋之，方盡其義。

◆一、約性具說，如一念中具足三千。則一念無差者為理，三千差別者為事。

◆次約事造說，如一念必根塵相對，方能現起，乃屬於事。三千性具，乃屬於理。又此三

千彼彼互具，以能具者為理，所具者為事，餘法亦然。又以性具為事，以即性體性量為理，三性各不相雜；故各各皆為理事。是則理則俱理，事則俱事。今事理各分而互說者，乃約人而為主賓故也。如以境為事，則為賓。以觀為理，則為主。主能攝賓，賓來歸主。故「理能包事，是為以觀吞境」。如以觀為事，則為賓。以境為理，則為主。主能攝賓，賓來歸主。故「理能包事，是為以境吞觀」。若境若觀，一一可以互為賓主。「一為事，餘為理；或一為理，餘為事」，亦如是，即「彼此互各相吞」之義也。

◆故「理能包事，是為以境吞觀」。若境若觀，一一可以互為賓主。「一為事，餘為理；或一為理，餘為事」，亦如是，即「彼此互各相吞」之義也。

◆這種變化無窮，從早到晚、從月竟年，天天變化，這些都是「賓」。這是事相，現象界一切種種，在佛法就叫「事」。換言之，一會兒喜怒哀樂；一會兒貪瞋癡；一會兒又戒定慧；一會兒自利；一會兒又利他等，此皆鏡子面所現的事事物物，森羅萬象，千差萬

別，總說這都是「賓」。本體界：不生不滅的，是「理」——理體，就是這一片玻璃鏡子。

「理」，就是主人翁——真如理、真如智，即自性彌陀。（糝合《懺雲老和尚齋戒會開示》）

○若然者，當我作觀時，則西方依正，已在我觀之內；我今身心，已在依正之中。

◆此結示淨宗，生而無生，無生而生之圓理也。「當我作觀時」，謂正當修觀之時，以例其他禮懺、誦經、念佛、上供、回向、發願、坐禪、持咒等時。淨業既然，即造五逆十惡之業，亦無不然也。「西方依正，在我觀內」，此以觀吞境。

◆「我今身心，在依正中」，此以境吞觀。正顯一切事法稱性圓融，一多相即，大小互容，重重無盡，無盡重重。既有是性，必有是相。既有是因，必有是果。而皆言「已」者，謂如今已見，不待將來方見；如今已生，不待將來方生。唯心淨土，自性彌陀之旨，至此不亦灼然可見哉？

○了此而求生安養，可謂雁過長空，影沈寒水；雁絕遺蹤之意，水無留影之心。

◆「了」：明白也。「此」：指境觀相吞之妙理。「了此而求生安養」，謂圓人用圓解，以修

淨土之圓行也。「可謂」下四句，引用北宋天衣義懷禪師法語。師雖禪宗大老，居常密修淨土，念佛求生西方。一日示眾曰：「禪宗不加取捨，但求無生；淨宗欣厭熾然，但求有生，究竟是耶？抑無生耶？」眾皆默然，復自作答曰：「生則決定生，去則實不去。譬如雁過長空，影沈寒水；雁絕遺蹤之意，水無留影之心。」

◆亦可例知彌陀接則決定接，來則實不來也。「雁過長空，影沈寒水」：喻生則決定生。「雁絕遺蹤之意，水無留影之心」：中間無往來之相，則喻去則實不去也。

◆「雁絕遺蹤之意」：雖喻無生，而蹤自遺，則喻無生而生也。「水無留影之心」：喻佛不來接，而影自留，則喻不接而自接，不來而自來也。慈善根力，任運如是，非作意神通也。

◆良以清淨法身，不生不滅，本無去來之相，故曰：無生，亦曰：「去則實不去」。約報應身而言，生因未盡者，不妨捨此生彼，了脫生死大事，故曰：往生，亦曰：「生則決定生」。然即法身而為報應，則無生亦生；即報應而是法身，則生亦無生。生與無生雙遮雙照，淨宗妙諦其在此乎！

○第七、三觀法爾門（三觀：空、假、中三觀。「三」：乃數法，隨情而言。）

◆「觀」：謂觀想、觀念、觀察、觀照，即繫心緣境，加以想念照察也。

◆「法爾」：法性自爾，天然自然，不須人力造作也。

◆「三觀法爾」：謂空假中三觀具於現前一念心性，了之則見真俗中三諦，而為三智；不了則迷真俗中三諦，而為三惑。了與不了，判若天淵；而三觀之修德，未嘗絲毫有所增減也。

△融會三觀（以下糅合懺雲老和尚《修行法語》）

●豎論三觀：

一、看開世界，萬緣放下。（空觀）

二、一念佛號，歷歷分明。（假觀）

三、知能念心體，空空寂寂，而念者宛然，即空不空，即空即假。所念佛號歷歷分明，如空谷響聲，即假非假，即假即空。雙遮雙照，境觀雙亡。（中觀）

◆念佛時，不作三觀，但在未念前知之，體會之而已。

●橫論三觀：

◆能念屬乎三觀，所念屬乎三諦。（一心三觀，一境三諦，諦觀不二。）

